



Službeni glasnik

Grada Tuzla

GODINA LVII

27. MART 2020. GODINE

BROJ 3

I AKTI GRADSKOG VIJEĆA GRADA TUZLA

1

Na osnovu člana 13. stav 2. alineja 17. Zakona o principima lokalne samouprave („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.) i člana 170. Poslovnika Gradskog vijeća Tuzla („Službeni glasnik Grada Tuzla“, broj 7/17., 2/18. i 8/19.), a u vezi s Odlukom Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16. 3. 2020. godine, Gradsko vijeće Grada Tuzla, na sjednici od 26. marta 2020. godine, donosi

ODLUKU

o izmjenama i dopunama Poslovnika Gradskog vijeća Tuzla

Član 1.

Iza člana 81. Poslovnika Gradskog vijeća Tuzla („Službeni glasnik Grada Tuzla“, broj 7/17., 2/18. i 8/19.) (u daljem tekstu: Poslovnik), dodaje se novo potpoglavlje h), koje nosi naziv:

„h) Zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće

proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID-19) na području Federacije Bosne i Hercegovine V.broj 408/2020 od 16. 3. 2020. godine.“

Član 2.

Iza člana 81., dodaju se novi članovi 81.a, 81.b, 81.c, 81.d i 81.e, koji glase:

„Član 81.a.

Izuzetno od odredaba člana 58. i 59. Poslovnika za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16. 3. 2020. godine (u daljem tekstu: stanje nesreće) zakazuju se i održavaju vanredne sjednice na način i pod uslovima propisanim odredbama članova 81.b, 81.c i 81.d Poslovnika.“

„Član 81.b.

Vanrednu sjednicu iz prethodnog člana Poslovnika zakazuje predsjedavajući ili zamjenik predsjedavajućeg Vijeća, samo na prijedlog Gradskog štaba civilne zaštite ili Gradonačelnika.

Poziv i materijali za sjednicu vijećnicima se šalju putem e-maila.

Poziv za sjednicu iz stava 2. ovog člana sadrži: pravni osnov za sazivanje vanredne sjednice, datum i vrijeme održavanja sjednice (sat i minut), dnevni red sjednice, rok s tačnom naznakom datuma i vremena (sata i minuta) do kada se vijećnici mogu pismeno izjasniti o tačkama dnevnog reda, kao i e-mail adresu na koju će vijećnici slati svoje izjašnjenje.“

„Član 81.c

Nakon slanja poziva i materijala za sjednicu na način propisan odredbama prethodnog člana Poslovnika, vijećnici su u roku iz člana 81.b. stav 3. Poslovnika, dužni su poslati e-mail sa svojim pisanim izjašnjenjem o svim predloženim tačkama dnevnog reda i to redoslijedom, kako su tačke dnevnog reda naznačene u pozivu za sjednicu iz prethodnog člana Poslovnika.

Vijećnici su dužni navesti broj i naziv tačke dnevnog reda i naznaku „GLASAM ZA“, „GLASAM PROTIV“ ili „GLASAM SUZDRŽAN“.

Po isteku roka naznačenog u pozivu za sjednicu iz člana 81.b. Poslovnika, smatrat će se da se vijećnik nije izjasnio.“

„Član 81.d.

Stručna služba vodi zapisnik o održanoj vanrednoj sjednici iz člana 81.a Poslovnika.

Zapisnik iz prethodnog stava ovog člana sadrži: datum i vrijeme održavanja vanredne sjednice iz člana 81. b Poslovnika, podatke o načinu upućivanja i prijema poziva za sjednicu, dnevni red, datum i tačno vrijeme glasanja i rezultate glasanja putem e-maila, te ime i prezime potpis sekretara Vijeća i uposlenika Stručne službe koji je sačinio zapisnik.

Stručna služba je vijećnicima, uz poziv i materijale sa sjednice, dužna dostaviti i zapisnik s prethodne sjednice u elektronskoj i printanoj formi.“

„Član 81.e.

Odredbe Odluke o izmjenama i dopunama Poslovnika Gradskog vijeća Tuzla, koje se odnose na zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju stanja nesreće prouzrokovane pojavom koronavirusa (COVID-19) na području Federacije Bosne i Hercegovine V. broj 408/2020 od 16. 3. 2020. godine, primjenjuju se i na zakazivanje, održavanje i odlučivanje na sjednicama Kolegija Gradskog vijeća.“

Član 3.

Odluka stupa na snagu narednog dana od dana objavljivanja u „Službenom glasniku Grada Tuzla“.

GRAD TUZLA

Gradsko vijeće

Broj: 01/04-A-4303-2020

26. mart 2020. godine

PREDSJEDAVALA

Nataša Perić



II AKTI GRADONAČELNIKA GRADA TUZLA

I

Na osnovu člana 25. i 26. Zakona o računovodstvu i reviziji u Federaciji Bosne i Hercegovine („Sl. novine FBiH“, broj 83/09.), člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), i člana 19., 20. i 24. Pravilnika o provođenju popisa u Gradu Tuzla („Sl. glasnik Grada Tuzla“, broj 13/18.), a u vezi s članom 5. Odluke o redovnom godišnjem popisu sa stanjem na dan 31. 12. 2019. godine, broj: 02/14-A-10039-2019 od 26. 11. 2019. godine, Gradonačelnik Grada Tuzla, donosi

ODLUKU

o usvajanju Izvještaja o redovnom godišnjem popisu sa stanjem na dan 31. 12. 2019. godine

I

Ovom Odlukom se usvaja Izvještaj Centralne popisne komisije o redovnom godišnjem popisu Grada Tuzla sa stanjem na dan 31. 12. 2019. godine.

II

U vezi s tačkom I ove Odluke, usvaja se prijedlog popisnih komisija za upis promjena utvrđenih popisom imovine u vlasništvu Grada Tuzla i popisom dugoročnih plasmana i vrijednosnih papira sa stanjem na dan 31. 12. 2019. godine.

III

Promjene vrijednosti imovine iz člana II ove Odluke, odnose se na promjene utvrđene popisom zemljišta i stanova u vlasništvu Grada Tuzla na dan 31. 12. 2019. godine, i to:

- vrijednost zemljišta se umanjuje u iznosu od 968.828,61 KM.

/trenutna vrijednost zemljišta iznosi 96.475.062,39 KM/ i - vrijednost stanova se umanjuje u iznosu od 86.732,74 KM (NV), i to: za stanove koji su otkupljeni i nisu u vlasništvu Grada Tuzla, umanjuje se za iznos od 190.361,24 KM, a istovremeno se uvećava u iznosu od 103.637,50 KM za upis dva stana koji su dati na raspolaganje Gradu Tuzla.

/trenutna vrijednost stanova iznosi 7.627.966,99 KM/.

IV

Promjene vrijednosti imovine, iz tačke II ove Odluke, evidentirat će se u Glavnoj i pomoćnoj knjizi stalnih sredstava na teret „Izvor stalnih sredstava“.

V

Ovom Odlukom se usvaja prijedlog za rashod opreme, koju koriste gradske službe za upravu, stručne službe i druge službe sa stanjem utvrđenim popisom opreme na dan 31. 12. 2019. godine.

Vrijednost opreme koja se rashoduje na dan 31. 12. 2018. godine iznosi 2.778,07 KM.

/nabavna vrijednost 193.719,33KM; Ispravka vrijednosti 190.941,26KM/.

Oprema iz prethodnog stava će se evidentirati na „Opremi van upotrebe“ za iznos nabavne vrijednosti, a isknjižavanje rashodovane opreme će se izvršiti po izvještaju o načinu postupanju sa istom.

VI

Ovom Odlukom se usvaja prijedlog za otpis sitnog inventara, koje koriste gradske službe za upravu, stručne službe i druge službe, a koja je predložena u Izvještaju o popisu sitnog inventara, HTZ opreme i materijala na dan 31. 12. 2019. godine.

Vrijednost sitnog inventara, koji se otpisuje na dan 31. 12. 2019. godine, iznosi 2.718,60 KM.

Otpis sitnog inventara, iz prethodnog stava, evidentirat će se Glavnoj knjizi zaduženjem ispravke vrijednosti i odobrenjem nabavne vrijednosti u visini otpisa i u pomoćnoj knjizi materijala, sitnog inventara i HTZ opreme.

VII

Ovom Odlukom se usvaja prijedlog za otpis potraživanja u iznosu od 11.856,00KM.

Otpis potraživanja se odnosi na tuzlanski šahovski klub „Sloboda“ Tuzla, a što se odnosi na zakup poslovnih prostora za period od 1. 1. 2004. - 31. 12. 2004. godine.

Otpis potraživanja iz prethodnog stava će se evidentirati putem ispravke potraživanja i neće teretiti prihode i rashode na dan 31. 12. 2019. godine.

VIII

Sastavni dio ove Odluke je Izvještaj Centralne popisne komisije sa stanjem na dan 31. 12. 2019. godine

IX

Odluka stupa na snagu danom donošenja i objavit će se u „Službenom glasniku Grada Tuzla”.

GRAD TUZLA

GRADONAČELNIK

Gradonačelnik

Broj: 02/11-A-2297-2020

Jasmin Imamović

13. februar 2020. godine



2

Na osnovu člana 13. stav 5. Odluke o subvencioniranju kamate za rješavanje stambenog pitanja mladih („Službeni glasnik Grada Tuzla“, broj 7/19.), Gradonačelnik Grada Tuzla, na prijedlog Drugostepene komisije za raspodjelu sredstava za subvencioniranje kamate za rješavanje stambenog pitanja mladih, donosi

ODLUKU

o utvrđivanju konačne rang liste korisnika s iznosima dodijeljenih sredstava za subvencioniranje kamate za rješavanje stambenog pitanja mladih

I

Utvrđuje se konačna rang lista korisnika s iznosima dodijeljenih sredstava za subvencioniranje kamate za rješavanje stambenog pitanja mladih, i to:

1. Sprečaković Arnela, iznos dodijeljenih sredstava 3.000,00 KM
2. Crvenković Darko, iznos dodijeljenih sredstava 3.000,00 KM
3. Suljić Ademir, iznos dodijeljenih sredstava 3.000,00 KM
4. Dubravić Kovačević Dženana, iznos dodijeljenih sredstava 3.000,00 KM
5. Mujanović Nedim, iznos dodijeljenih sredstava 3.000,00 KM
6. Šljivić Talić Dženita, iznos dodijeljenih sredstava 3.000,00 KM
7. Birparić Aljić Jasmina, iznos dodijeljenih sredstava 3.000,00 KM
8. Junuzović Neira, iznos dodijeljenih sredstava 3.000,00 KM
9. Delić Irfan, iznos dodijeljenih sredstava 3.000,00 KM
10. Mujkanović Mujezinović Sanja, iznos dodijeljenih sredstava 3.000,00 KM
11. Kadrić Jasmina, iznos dodijeljenih sredstava 3.000,00 KM
12. Bijedić Danijel, iznos dodijeljenih sredstava 3.000,00 KM
13. Katanić Anja, iznos dodijeljenih sredstava 3.000,00 KM
14. Hidanović Amela, iznos dodijeljenih sredstava 3.000,00 KM
15. Modrić Vildić Mejrem, iznos dodijeljenih sredstava 3.000,00 KM
16. Hadžiefendić Haris, iznos dodijeljenih sredstava 3.000,00 KM
17. Suljić Edin, iznos dodijeljenih sredstava 3.000,00 KM
18. Hamustafić Amra, iznos dodijeljenih sredstava 3.000,00 KM
19. Ibrišević Elma, iznos dodijeljenih sredstava 3.000,00 KM
20. Perić Aldina, iznos dodijeljenih sredstava 3.000,00 KM
21. Avdić Jasmina, iznos dodijeljenih sredstava 3.000,00 KM
22. Smajić Admir, iznos dodijeljenih sredstava 3.000,00 KM
23. Hodžić Ines, iznos dodijeljenih sredstava 3.000,00 KM
24. Halilović Amir, iznos dodijeljenih sredstava 3.000,00 KM
25. Sijerčić Kapetanović Amila, iznos dodijeljenih sredstava 3.000,00 KM
26. Jurić Bojan, iznos dodijeljenih sredstava 3.000,00 KM
27. Muharemović Mahir, iznos dodijeljenih sredstava 3.000,00 KM
28. Kotorić Belma, iznos dodijeljenih sredstava 3.000,00 KM
29. Ferizbegović Emir, iznos dodijeljenih sredstava 3.000,00 KM
30. Rušidović Faruk, iznos dodijeljenih sredstava 3.000,00 KM
31. Latifović Alen, iznos dodijeljenih sredstava 3.000,00 KM
32. Jusufović Damir, iznos dodijeljenih sredstava 3.000,00 KM
33. Gušić Damir, iznos dodijeljenih sredstava 3.000,00 KM
34. Lipovac Dijana, iznos dodijeljenih sredstava 3.000,00 KM
35. Bajramović Jasmin, iznos dodijeljenih sredstava 3.000,00 KM
36. Omerbegović Amra, iznos dodijeljenih sredstava 3.000,00 KM

37. Hidanović Anel, iznos dodijeljenih sredstava 3.000,00 KM
38. Ademović Midha, iznos dodijeljenih sredstava 3.000,00 KM
39. Gazibegović Šimić Azra, iznos dodijeljenih sredstava 3.000,00 KM
40. Habul Kenan, iznos dodijeljenih sredstava 3.000,00 KM
41. Jahić Amra, iznos dodijeljenih sredstava 3.000,00 KM
42. Krvavac Tarik, iznos dodijeljenih sredstava 3.000,00 KM
43. Joldić Sandra, iznos dodijeljenih sredstava 3.000,00 KM
44. Mešić Azur, iznos dodijeljenih sredstava 3.000,00 KM
45. Jamaković Iner, iznos dodijeljenih sredstava 3.000,00 KM
46. Džidić Ena, iznos dodijeljenih sredstava 3.000,00 KM
47. Jahić Darija, iznos dodijeljenih sredstava 3.000,00 KM
48. Zečo Amer, iznos dodijeljenih sredstava 3.000,00 KM
49. Ilić Igor, iznos dodijeljenih sredstava 3.000,00 KM
50. Karač Namika iznos dodijeljenih sredstava 3.000,00 KM

II

Ugovorom između korisnika sredstava i Grada Tuzla, putem Službe za boračko-invalidsku zaštitu, stambene poslove i integraciju raseljenih lica, precizirat će se način utroška i uplata dodijeljenih novčanih sredstava.

III

Odluka je konačna i protiv nje se ne može izjaviti žalba.

IV

Odluka stupa na snagu danom objavljivanja u „Službenom glasniku Grada Tuzla“.

GRAD TUZLA
Gradonačelnik
Broj: 02/11-A-3481-2020
9. mart 2020. godine

GRADONAČELNIK
Jasmin Imamović

3

Na osnovu člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), člana 9. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj 12/19.), a u vezi sa Zahtjevom Službe za

komunalne poslove, izgradnju i poslove MZ, broj: 05-03/18-19-402/20 ND od 10. 3. 2020. godine, Odlukom Ministarstva privrede TK, broj: 03/1-14-31192/18 od 9. 11. 2018. godine i Ugovorom o implementaciji nepovratnih novčanih sredstava, broj 02-14-8412-2018 od 5. 12. 2018. godine, Gradonačelnik Grada Tuzla, donosi

ODLUKU

o usmjeravanju neplaniranih namjenskih sredstava u Budžet Grada Tuzla za 2020. godinu

Član 1.

Odobrava se usmjeravanje neplaniranih namjenskih sredstava u Budžet Grada Tuzla za 2020. godinu, na ime realizacije pripreme prijedloga projekta „Izgradnja kompleksa Ilinčica“, u iznosu od 10.000,00 KM.

Navedena sredstva su uplaćena dana 16. 1. 2019. godine, od strane Tuzlanskog kantona.

Član 2.

Sredstva iz člana 1. ove Odluke se usmjeravaju u Budžet Grada Tuzla za 2020. godinu u dijelu plana prihoda po osnovu vlastitih prihoda, tekućih transfera i donacija, novi ekonomski kod V/732114 – Primljeni tekući transferi od kantona - Fond za komunalnu infrastrukturu.

Za iznos sredstava, iz člana 1. ove Odluke, izvršit će se povećanje plana rashoda u dijelu rasporeda prihoda po osnovu vlastitih prihoda, tekućih transfera i donacija, na budžetskoj organizaciji, broj: 0503001, novi ekonomski kod V/613915 – Izrada projektne dokumentacije – Služba za komunalne poslove, izgradnju i poslove MZ – Izdaci Fonda za komunalnu infrastrukturu.

Član 3.

Za realizaciju ove Odluke se zadužuje Služba za budžet i finansije i Služba za komunalne poslove, izgradnju i poslove MZ.

Član 4.

Odluka stupa na snagu sljedećeg dana od dana objavljivanja u „Službenom glasniku Grada Tuzla“.

GRAD TUZLA
Gradonačelnik
Broj: 02/11-A-3685-2020
12. mart 2020. godine

GRADONAČELNIK
Jasmin Imamović

4

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06.), a u vezi s članom 7. i članom 20. Statutarne Odluke o organizaciji Grada Tuzla u skladu

Zakonom o gradu Tuzla („Službeni glasnik Grada Tuzla”, broj 1/14., 3/15., 7/15. i 12/15.) i članom 13. Odluke o uslovima, kriterijima i postupku dodjele sredstava za sufinansiranje mjera smanjenja aerozagađenja na području Grada Tuzla („Službeni glasnik Grada Tuzla“, broj 2/20.), Gradonačelnik Grada Tuzla, donosi

RJEŠENJE

o imenovanju Komisije za provođenje postupaka po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla

I

Za provođenje postupaka po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla, imenuje se Komisija u sastavu kako slijedi:

1. Lejla Avdić, predsjednik, ispred Službe za komunalne poslove, izgradnju i poslove mjesnih zajednica, Ivana Hrustić, zamjenski predsjednik.
2. Amir Razić, član, ispred Službe za komunalne poslove, izgradnju i poslove mjesnih zajednica, Milan Čolić, zamjenski član.
3. Nedim Naimkadić, član, ispred Službe za komunalne poslove, izgradnju i poslove mjesnih zajednica, Nedžad Delić, zamjenski član.
4. Džemila Agić, član, ispred Centra za ekologiju i energiju Tuzla, Denis Žiško zamjenski član i
5. Amel Husić, član, ispred JKP Centralno grijanje d.d. Tuzla, Suljo Sarić zamjenski član.

II

Zadatak Komisije za provođenje postupaka po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla (u daljem tekstu: Komisija) je provođenje postupka po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla u skladu s Odlukom o uslovima, kriterijima i postupku dodjele sredstava za sufinansiranje mjera smanjenja aerozagađenja na području Grada Tuzla („Službeni glasnik Grada Tuzla“, broj 2/20.) (u daljem tekstu: Odluka), što podrazumjeva: ocjenjivanje blagovremenosti i potpunosti pristiglih prijava po javnom pozivu za dodjelu sredstava za sufinansiranje mjera smanjenja aerozagađenja na području Grada Tuzla; utvrđivanje preliminirane liste podnosilaca prijava koji ispunjavaju opće uslove, izuzev uslova iz člana 4. tačka c) Odluke po okončanju roka za dostavu prijava; sačinjavanje pismenih izjašnjenja po prigovorima podnosilaca prijave na preliminarnu rang listu; sačinjavanje konačne rang liste podnosilaca prijava po dostavljanju dokaza o izvršenom energijskom pregledu u roku iz člana 12. stav (2) Odluke, rješavanju po prigovorima iz člana 15. Odluke i davanju prethodne saglasnosti na energijski pregled od strane Komisije za

pregled implementiranih mjera smanjenja aerozagađenja na području Grada Tuzla i objavljivanje preliminarne i konačne rang liste podnosilaca prjava na oglasnoj tabli i web stranici Grada Tuzla, kao i oglasnim tablama mjesnih zajednica.

Komisija je dužna prilikom sačinjavanja prethodno navedenih konačnih listi uzeti u obzir raspoloživi iznos sredstava u Budžetu Grada Tuzla, shodno broju lica u okviru konačne rang liste i iznosima sufinansiranja mjera smanjenja aerozagađenja propisanih članom 8. Odluke. Komisija o svom radu sačinjava zapisnik.

III

Poslove i zadatke iz tačke II ovog Rješenja, Komisija će obavljati izvan redovnog radnog vremena.

IV

Za koordinaciju rada i svih aktivnosti Komisije odgovoran je predsjednik Komisije.

V

Imenovanje Komisije vrši se na mandatni period od dvije (2) godine.

VI

Za učešće u radu predsjednik i članovi Komisije imaju pravo na novčanu naknadu u visini od 150,00 KM u bruto iznosu u skladu s Odlukom o naknadama uposlenika općinskih organa Tuzla („Službeni glasnik Općine Tuzla“, broj 11/10., 1/11., 10/11. i 8/12.), pod uslovom da je održana najmanje jedna sjednica mjesečno.

VII

Danom primjene ovog Rješenja prestaje da važi Rješenje o imenovanju Komisije za provođenje postupaka po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla, broj: 02/05-A-002279-2020 od 12. 2. 2020. godine.

VIII

Rješenje stupa na snagu danom donošenja i bit će objavljeno u „Službenom glasniku Grada Tuzla“.

GRAD TUZLA

Gradonačelnik

Broj: 02/04-A-3448-2020

6. mart 2020. godine

GRADONAČELNIK

Jasmin Imamović



5

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj 35/05.), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06.), a u vezi s članom 7. i članom 20. Statutarne Odluke o organizaciji Grada Tuzla u skladu sa Zakonom o gradu Tuzla („Službeni glasnik Grada

Tuzla”, broj 1/14., 3/15., 7/15. i 12/15.) i članom 17. stav (4) Odluke o uslovima, kriterijima i postupku dodjele sredstava za sufinansiranje mjera smanjenja aerozagađenja na području Grada Tuzla („Službeni glasnik Grada Tuzla“, broj 2/20.), Gradonačelnik Grada Tuzla, donosi

RJEŠENJE

o imenovanju Komisije za pregled implementiranih mjera smanjenja aerozagađenja na području Grada Tuzla

I

Za pregled mjera smanjenja aerozagađenja implementiranih po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla, imenuju se Komisija u sastavu kako slijedi:

1. Irena Jogunčić - predsjednik, Aida Fejzić - zamjenik predsjednika, ispred Službe za prostorno uređenje i zaštitu okoline.
2. Nedžad Delić - član, Nedim Naimkadić - zamjenski član, ispred Službe za komunalne poslove, izgradnju i poslove mjesnih zajednica.
3. Melisa Hadžiabdić - član, Ivana Hrustić - zamjenski član, ispred Službe za komunalne poslove, izgradnju i poslove mjesnih zajednica.
4. Amel Husić - član, Esad Trumić - zamjenski član, ispred JKP Centralno grijanje d.d. Tuzla,
5. Denis Žiško - član, Džemila Agić - zamjenski član, ispred Centra za ekologiju i energiju Tuzla.

II

Zadatak Komisije za pregled implementiranih mjera smanjenja aerozagađenja na području Grada Tuzla (u daljem tekstu: Komisija) je pregled mjera smanjenja aerozagađenja implementiranih po javnim pozivima za dodjelu sredstava za sufinansiranje mjera smanjenja aerozagađenja na području Grada Tuzla, što podrazumijeva: davanje, odnosno uskraćivanje prethodne saglasnosti na dostavljeni energijski pregled objekta, pregled i ocjena blagovremenosti i osnovnosti zahtjeva za pregled implementiranih mjera smanjenja aerozagađenja, zajedno s pratećom dokumentacijom, pregled objekata u cilju utvrđivanja izvedenog stanja u pogledu implementacije mjera smanjenja aerozagađenja u skladu s energijskim pregledom, utvrđivanje činjenice da se u objektu ne koristi uređaj za zagrijavanje objekta s pogonom na fosilna goriva u slučaju kada je predmet sufinansiranja nabavka i ugradnja toplotne pumpe, peći na pelet ili kompaktne toplinske podstanice (KTP). Komisija je dužna da po izvršenim zadacima sačini stručni nalaz i isti dostavi Službi za komunalne poslove, izgradnju i poslove mjesnih zajednica, radi sačinjavanja prijedloga Odluke o dodjeli sredstava za sufinansiranje mjera aerozagađenja.

III

Za koordinaciju rada i svih aktivnosti Komisije je odgovoran predsjednik Komisije.

IV

Imenovanje Komisije se vrši na mandatni period od dvije (2) godine.

V

Za učešće u radu predsjednik i članovi Komisije imaju pravo na novčanu naknadu u visini od 150,00 KM u bruto iznosu u skladu s Odlukom o naknadama uposlenika općinskih organa Tuzla („Službeni glasnik Općine Tuzla“, broj 11/10., 1/11., 10/11. i 8/12.), pod uslovom da je održana najmanje jedna sjednica mjesečno.

VI

Danom primjene ovog Rješenja prestaje da važi Rješenje o imenovanju Komisije za pregled implementiranih mjera smanjenja aerozagađenja na području Grada Tuzla, broj: 02/05-A-002281-2020 od 12. 2. 2020. godine.

VII

Rješenje stupa na snagu danom donošenja i bit će objavljeno u „Službenom glasniku Grada Tuzla“.

GRAD TUZLA

Gradonačelnik

Broj: 02/04-A-3449-2020

6. mart 2020. godine

GRADONAČELNIK

Jasmin Imamović



6

Na osnovu člana 48. stav (2) Odluke o komunalnom redu („Službeni glasnik Općine Tuzla“, broj 4/10., 9/10., 1/11. i 3/11. i „Službeni glasnik Grada Tuzla“, broj 11/15., 9/16., 1/18., 5/18., 1/19. i 9/19.) i člana 7. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradonačelnik Grada Tuzla, donosi

IZMJENU

Općih uslova za privremeno zauzimanje javne površine u svrhu postavljanja bašta uz ugostiteljske objekte

I

U Općim uslovima za privremeno zauzimanje javne površine u svrhu postavljanja bašta uz ugostiteljske objekte („Službeni glasnik Grada Tuzla“, broj 1/18. i 11/19.) član IV mijenja se i glasi:

„IV

Može se dozvoliti postavljanje „zatvorene“ bašte, u zimskom periodu od 1. 11. do 31. 3., isključivo

neposredno uz ugostiteljski objekt (zatvaranje bašte s maksimalno tri strane).

Nije dozvoljeno postavljanje „zatvorenih“ bašta dislociranih u odnosu na ugostiteljski objekt, odnosno bašta slobodnostojećeg tipa.

„Zatvorenu“ baštu je potrebno izvesti isključivo od laganih montažnih elemenata s ispunom od transparentnih PVC ili drugih pogodnih materijala.“

PRELAZNE I ZAVRŠNE ODREDBE

II

Ako je pokrenut upravni postupak pred nadležnom gradskom službom za upravu do dana stupanja na snagu

ove Izmjene, a do tog dana nije doneseno prvostepeno rješenje ili je rješenje bilo poništeno i vraćeno prvostepenom organu na ponovni postupak, postupak će se nastaviti prema odredbama ove Izmjene.

III

Izmjena stupa na snagu jedan dan od dana objavljivanja, a objavit će se u „Službenom glasniku Grada Tuzla“.

GRAD TUZLA

Gradonačelnik

Broj: 02/04-A-3458-2020

28. februar 2020. godine

GRADONAČELNIK

Jasmin Imamović



+

S A D R Ź A J
„Službenog glasnika Grada Tuzla“, broj 3/2020

I AKTI GRADSKOG VIJEĆA GRADA TUZLA

1. Odluka o izmjenama i dopunama Poslovnika
Gradskog vijeća Tuzla 85

II AKTI GRADONAČELNIKA GRADA TUZLA

- | | | | |
|---|----|---|----|
| 1. Odluka o usvajanju Izvještaja o redovnom
godišnjem popisu sa stanjem na dan 31. 12. 2019.
godine | 87 | 4. Rješenje o imenovanju Komisije za
provođenje postupaka po javnim pozivima
za dodjelu sredstava za sufinansiranje mjera
smanjenja aerozagađenja na području Grada
Tuzla | 89 |
| 2. Odluka o utvrđivanju konačne rang liste
korisnika s iznosima dodijeljenih sredstava za
subvencioniranje kamate za rješavanje stambenog
pitanja mladih | 88 | 5. Rješenje o imenovanju Komisije za
pregled implementiranih mjera smanjenja
aerozagađenja na području Grada Tuzla | 90 |
| 3. Odluka o usmjeravanju neplaniranih
namjenskih sredstava u Budžet Grada Tuzla za
2020. godinu | 89 | 6. Izmjena Općih uslova za privremeno
zauzimanje javne površine u svrhu
postavljanja bašta uz ugostiteljske objekte | 91 |

